

যুগান্তর

প্রিন্ট: ১৩ জুলাই ২০২৫, ১০:৩৭ এএম

রাজধানী

সোহাগ হত্যার বিচার দাবিতে ঢাকায় শিক্ষার্থীদের বিক্ষোভ



যুগান্তর ডেস্ক

প্রকাশ: ১২ জুলাই ২০২৫, ০৪:৫৯ পিএম



 **mastercard.**

**Unparalleled security
for the world's elite**

First in the world from Eastern Bank

Biometric Metal World Elite Credit Card from Mastercard

The card is offered by invitation only





ব্র্যাক বিশ্ববিদ্যালয়ের প্রধান ফটকে বিক্ষোভে অর্ধশতাধিক শিক্ষার্থী অংশ নেন। ‘ব্র্যাক বিশ্ববিদ্যালয়ের সচেতন শিক্ষার্থী সমাজ’ ব্যানারে এ বিক্ষোভ হয়। বিক্ষোভ চলাকালে ব্র্যাক বিশ্ববিদ্যালয়ের শিক্ষার্থীরা ‘কণ্ঠে আবার লাগা জোর, চাঁদাবাজের কবর খোঁড়, চাঁদাবাজ চাঁদা তোলে, ইন্টেরিম কি করে?’, ‘চব্বিশের হাতিয়ার গর্জে উঠুক আরেকবার’, ‘কে দিলোরে জানোয়ার মানুষ মারার অধিকার’ বলে স্লোগান দেন।

নর্থ সাউথ বিশ্ববিদ্যালয়ের (এনএসইউ) শিক্ষার্থীরাও দুপুর ১২টার দিকে বিক্ষোভ করেছেন। ইডেন কলেজ, ইস্ট ওয়েস্ট বিশ্ববিদ্যালয়ের শিক্ষার্থীরাও বিক্ষোভ করেন।

এর আগে শুক্রবার রাতে বাংলাদেশ প্রকৌশল বিশ্ববিদ্যালয় (বুয়েট), ঢাকা বিশ্ববিদ্যালয়, রাজশাহী বিশ্ববিদ্যালয়, চট্টগ্রাম, রংপুরসহ দেশের বিভিন্ন স্থানে বিক্ষোভ করেছেন বিক্ষুব্ধ ছাত্র-জনতা। এসব বিক্ষোভে হত্যায় জড়িতদের দৃষ্টান্তমূলক শাস্তি দাবি করা হয়েছে।

ঢাবি প্রতিনিধি জানান, ব্যবসায়ী সোহাগ হত্যা ও দেশব্যাপী বিএনপির অব্যাহত চাঁদাবাজি এবং সন্ত্রাসী কার্যক্রমের প্রতিবাদে বিক্ষোভ মিছিল করেছেন ঢাকা বিশ্ববিদ্যালয়ের শিক্ষার্থীরা। শুক্রবার সন্ধ্যা সাড়ে ৭টায় ঢাকা বিশ্ববিদ্যালয়ের হলপাড়ায় এ বিক্ষোভ মিছিল বের হয়। ঢাবি শিক্ষার্থী এবি জুবারের বলেন, ‘৫ আগস্টের পর থেকে আমরা দেশকে গোছানোর চেষ্টা করেছি। এ পথে একমাত্র বাধা হয়েছে একটিমাত্র দল। সোহাগকে হত্যা গত পরশুদিন (বুধবার) করা হয়েছে। আজ (শুক্রবার) ভিডিও সামনে এসেছে। একজন ব্যবসায়ী চাঁদা দেয়নি বলে যুবদল পাথর মেরে নৃশংসভাবে হত্যা করেছে। আমরা কি নতুন করে আবার প্রস্তরযুগে ফিরে গেলাম?’ তারেক রহমানকে উদ্দেশ্য করে তিনি বলেন, ‘আপনার দলকে আপনি সামলান। আওয়ামী লীগের পথ অনুসরণ করবেন না। যদি করেন, তাহলে আওয়ামী লীগের মতো পরিণতি হবে।’

জাবি প্রতিনিধি জানান, সোহাগ হত্যা ও সারা দেশে অব্যাহত চাঁদাবাজি, সন্ত্রাসবাদের বিরুদ্ধে বিক্ষোভ মিছিল করেছেন জাহাঙ্গীরনগর বিশ্ববিদ্যালয়ের (জাবি) শিক্ষার্থীরা। শুক্রবার রাত সাড়ে ৯টায় ‘সন্ত্রাসবিরোধী ঐক্য’ ব্যানারে মিছিলটি অনুষ্ঠিত হয়।

জাবি প্রতিনিধি জানান, ব্যবসায়ী সোহাগ হত্যা ও দেশব্যাপী অব্যাহত বিএনপির চাঁদাবাজি এবং সন্ত্রাসী কর্তৃত্বের প্রতিবাদে বিক্ষোভ মিছিল করেছেন জগন্নাথ বিশ্ববিদ্যালয়ের (জবি) শিক্ষার্থীরা। শুক্রবার রাত ৯টায় জগন্নাথ বিশ্ববিদ্যালয়ের শহীদ মিনারের সামনে থেকে এ বিক্ষোভ মিছিল শুরু হয়। মিছিলটি রায়সাহেব বাজার ও তাঁতীবাজার অতিক্রম করে মিটফোর্ড হাসপাতালের সামনে পৌঁছায়।

সোহাগ হত্যার ঘটনার প্রতিবাদে জাতীয় কবি কাজী নজরুল ইসলাম বিশ্ববিদ্যালয়ে বিক্ষোভ মিছিল করেছেন শিক্ষার্থীরা।

শুক্রবার রাতে বিশ্ববিদ্যালয়ের বিদ্রোহী হলের নিচ থেকে এ কর্মসূচি পালন করা হয়। পরে সেখান থেকে একটি বিক্ষোভ মিছিল বের করা হয়। মিছিলটি ক্যাম্পাসের বিভিন্ন সড়ক প্রদক্ষিণ করে একইস্থানে এসে সংক্ষিপ্ত সমাবেশে শেষ হয়।

এ সময় বিক্ষোভকারীরা ‘আমার ভাই কবরে খুনি কেনো বাহিরে’, ‘সন্ত্রাসীরা উল্লাস করে ইন্টেরিম কী করে’, ‘জ্বালোরে জ্বালো আগুন জ্বালো’, ‘অ্যাকশন টু অ্যাকশন, ডাইরেস্ট অ্যাকশন’, ‘চাঁদাবাজের বিরুদ্ধে ডাইরেস্ট অ্যাকশন’, ‘চাঁদাবাজের আস্তানা ভেঙ্গে দাও, গুড়িয়ে দাও’ সহ বিভিন্ন স্লোগান দেন।

সোহাগকে নির্মমভাবে হত্যার প্রতিবাদ এবং সারা দেশে অব্যাহত খুন, চাঁদাবাজি, সন্ত্রাসবাদের বিরুদ্ধে বিক্ষোভ মিছিল করেছে নোয়াখালী বিজ্ঞান ও প্রযুক্তি বিশ্ববিদ্যালয়ের (নোবিপ্রবি) শিক্ষার্থীরা। এসময় তারা হত্যাকারী যুবদল নেতাদের সর্বোচ্চ বিচার নিশ্চিতের দাবি জানায়।



। বিক্ষোভ । নাহলে যোগ দেন ।

ঢাকায় ব্যবসায়ীকে নৃশংসভাবে হত্যার প্রতিবাদ এবং দেশব্যাপী অব্যাহত চাঁদাবাজি ও সন্ত্রাসী কার্যক্রমের বিরুদ্ধে বিক্ষোভ মিছিল করেছে কুমিল্লা বিশ্ববিদ্যালয়ের (কুবি) শিক্ষার্থীরা। শুক্রবার রাত সাড়ে ৯টায় বিশ্ববিদ্যালয়ের প্রধান ফটকের সামনে এ বিক্ষোভ মিছিল করা হয়।

সোহাগ হত্যার প্রতিবাদে মধ্যরাতে বিক্ষোভ মিছিল করেছে মাওলানা ভাসানী বিজ্ঞান ও প্রযুক্তি বিশ্ববিদ্যালয়ের সাধারণ শিক্ষার্থীরা। শুক্রবার রাত ১১টায় বিশ্ববিদ্যালয়ের জননেতা আব্দুল মান্নান হলের সামনে থেকে শুরু করে বিশ্ববিদ্যালয় সংলগ্ন বিভিন্ন সড়ক প্রদক্ষিণ করে প্রধান ফটক হয়ে আবার মান্নান হলের সামনে সংক্ষিপ্ত সমাবেশের মাধ্যমে বিক্ষোভ মিছিলটি শেষ হয়।

মিটফোর্ড ব্যবসায়ীকে পাথর দিয়ে নৃশংসভাবে হত্যার ঘটনার প্রতিবাদে বিক্ষোভ মিছিল করেছেন বেগম রোকেয়া বিশ্ববিদ্যালয় (বেরোবি) শাখা ছাত্রদল। শুক্রবার রাত সাড়ে ১০টায় বিশ্ববিদ্যালয়ের প্রধান ফটক এই বিক্ষোভ মিছিল অনুষ্ঠিত হয়।

ব্যবসায়ী সোহাগ হত্যার প্রতিবাদে বিক্ষোভ মিছিল করেছে বরিশাল বিশ্ববিদ্যালয়ের শিক্ষার্থীরা। এ সময় তারা বিশ্ববিদ্যালয়ের হল থেকে শুরু করে পুরো ক্যাম্পাস প্রদক্ষিণ করে গ্রাউন্ড ফ্লোরে গিয়ে অবস্থান নেয় এবং ঢাকা-কুয়াকাটা মহাসড়ক ১০ মিনিটের জন্য অবরোধ করে স্লোগান দেয়। শুক্রবার রাত ১০টায় বিশ্ববিদ্যালয়ের শেরে বাংলা হল থেকে বিক্ষোভ মিছিল শুরু হয়।

গত বুধবার রাজধানীর মিটফোর্ড হাসপাতালের সামনে নৃশংসভাবে হত্যা করা হয় ভাঙারি পণ্যের ব্যবসায়ী সোহাগকে (৩৯)। হত্যার আগে ডেকে নিয়ে তাকে পিটিয়ে এবং ইট-পাথরের টুকরা দিয়ে আঘাত করে মাথা ও শরীরের বিভিন্ন অংশ খেঁতলে দেওয়া হয়। একপর্যায়ে তাকে বিবস্ত্র করা হয়। তার শরীরের ওপর উঠে লাফায় কেউ কেউ।

গন্ধ্যায় এ মানলার দুই আসামিৰে বাহুকায়েৰ বংবা ভাণনয়েহে ভাভায়ভাবাদা বুঝদল । হত্যা
মামলার আরও দুই আসামিকে নিজেদের সংগঠন থেকে বহিষ্কার করেছে ছাত্রদল ও
স্বৈচ্ছাসেবক দল ।